

## SEDMIČNI PREGLED AKTIVNOSTI SUDA BIH

Odjel I, II i III

(19. – 23. septembra 2022.)

- U predmetu **Siniša Plakalović i dr. (S1 2 K 041067 21 Krn)** Sud BiH je 16.9.2022. donio rješenje kojim je usvojen saglasni prijedlog Tužilaštva Bosne i Hercegovine, sadržan u izjašnjenju od 25.7.2022. i branioca osumnjičenih na način da je osumnjičenima **Miši Jankoviću, Dragici Janković, Saši Kulišiću, Nikoli Maksimoviću, Mirku Spremi i Miroslavu Spremi** ukinuta mjera zabrane sastajanja s određenim osobama iz člana 126.a stav 1. tačka c) ZKPBiH, određena rješenjem Suda BiH od 20.12.2021. godine.
- U predmetu **Sako Bibić i dr. (S1 2 K 042733 22 Krn)** Sud BiH je 16.9.2022. donio rješenje kojim je prema osumnjičenom **Đoki Komaru produžen pritvor** za naredna tri (3) mjeseca zbog postojanja kako općeg razloga tako i posebnih pritvorskih razloga propisanih članom 132. stav 1. tačke a) i b) ZKPBiH, isti može trajati do 17.12.2022. godine ili do nove odluke Suda.
- Sud je 16.9.2022. u predmetu **Saša Nikolić (S1 2 K 042856 22 Ko)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Saša Nikolić** oглаšen krivim da je radnjama opisanim u izreci presude počinio krivično djelo porezna utaja ili prevara iz člana 210. stav 1. Krivičnog zakona Bosne i Hercegovine. Sud mu je, primjenom navedenih zakonskih odredbi i odredbi članova 39, 48, 58. i 59. KZBiH, izrekao **uvjetnu osudu** kojom je optuženom utvrđena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **dvije (2) godine** od dana pravomoćnosti presude ne počinu novo krivično djelo. Na osnovu članova 40, 41. stav 4. i 46. Krivičnog zakona BiH, Sud je optuženom **Saši Nikoliću**, kao sporednu, izrekao novčanu kaznu u iznosu od **2.000,00 KM (dvije hiljade konvertibilnih maraka)**, koju je optuženi dužan platiti u roku od šest (6) mjeseci od dana pravomoćnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora, u skladu sa članom 47. KZBiH.
- Sud je 15.9.2022. u predmetu **Nedžad Imširović i dr. (S1 2 K 041968 22 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom su optuženi **Nedžad Imširović i Dževad Imširović** oглаšeni krivim da su radnjama opisanim u izreci presude počinili krivično djelo pranje novca iz člana 209. stav 3. u vezi sa stavom 1. i 2. KZBiH, u vezi sa članom 30. KZBiH. Sud im je, primjenom

navedenih zakonskih odredbi i odredbi članova 39, 40, 41, 42, 48, 49. i 50. stav 1. tačka b) KZBiH, izrekao **kazne zatvora od po jednu (1) godinu**.

- Sud je 16.9.2022. u predmetu **Adnan Čorbegović (S1 2 K 040876 22 Ko)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Adnan Čorbegović** oglašen krivim da je radnjama opisanim u izreci presude počinio produženo krivično djelo porezna utaja ili prevara iz člana 210. stav 1. KZBiH. Sud mu je, primjenom navedenih zakonskih odredbi i odredbi članova 39, 42, 48, 58. i 59. KZBiH, utvrdio kaznu zatvora u trajanju od **osam (8) mjeseci** i istovremeno određeno da se ova kazna neće izvršiti ako optuženi u roku od **dvije (2) godine** od dana pravomoćnosti presude ne počini novo krivično djelo. Na osnovu članova 40, 41. stav 4. i 46. Krivičnog zakona BiH, Sud je optuženom **Adnanu Čorbegoviću**, kao sporednu, izrekao novčanu kaznu u iznosu od **2.000,00 KM (dvije hiljade konvertibilnih maraka)**, koju je optuženi dužan platiti u roku od šest (6) mjeseci od dana pravomoćnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora, u skladu sa članom 47. KZBiH.
- Sud je u predmetu **Tunca Guven (S1 3 K 043916 22 Eks)** 18.9.2022. godine, u postupku izručenja potraživanog, odlučujući o zahtjevu za privremeno lišenje slobode potraživanog, na osnovu člana 37. u vezi sa članovima 52. i 39. Zakona o međunarodnoj pravnoj pomoći u krivičnim stvarima, nakon održanog ročišta povodom lišenja slobode potraživanog, donio rješenje kojim je potraživanom **Tunci Guvenu** određen ekstradicioni pritvor, koji po ovom rješenju može trajati do izvršenja odluke o izručenju ili do nove odluke ovog Suda, ali najduže šest (6) mjeseci, računajući od dana lišenja slobode, odnosno od 17.9.2022. do 17.3.2023. godine.

#### PONEDJELJAK, 19. septembra 2022. godine

- Sud je 19.9.2022. u predmetu **Abdulah Međić i dr. (S1 2 K 043121 22 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom su optuženi **Abdulah Međić i Almir Grgić** oglašeni krivim da su radnjama opisanim u izreci presude počinili krivično djelo udruživanje radi činjenja krivičnih djela iz člana 249. stav 2. KZBiH u stjecađu s krivičnim djelom međunarodno navođenje na prostituciju iz člana 187. stav 1. KZBiH, u vezi sa članom 53. KZBiH. Sud je optuženom **Abdulahu Međiću**, primjenom navedenih zakonskih odredbi i odredbi članova 39, 40. stav a), 42. i 48. KZBiH za krivično djelo udruživanje radi učinjenja krivičnih djela iz člana 249. stav 2. KZBiH, utvrdio kaznu zatvora u trajanju od šest (6) mjeseci, a za krivično djelo međunarodno navođenje na prostituciju iz člana 187. stav 1. KZBiH kaznu zatvora u trajanju od šest (6) mjeseci, te mu je primjenom

odredbi članova 53, 58. i 59. KZBiH izrekao **uvjetnu osudu**, kojom je utvrđena kazna zatvora u trajanju od deset (10) mjeseci i istovremeno određeno da se ova kazna neće izvršiti ako optuženi u roku od dvije (2) godine od dana pravomoćnosti presude ne počini novo krivično djelo. Sud je optuženom **Almiru Grgiću**, primjenom odredbi članova 39, 40. stav a), 42. i 48. KZBiH za krivično djelo udruživanje radi učinjenja krivičnih djela iz člana 249. stav 2. KZBiH utvrdio kaznu zatvora u trajanju od osam (8) mjeseci, a za krivično djelo međunarodno navođenje na prostituciju iz člana 187. stav 1. KZBiH, kaznu zatvora u trajanju od šest (6) mjeseci, te mu je, primjenom navedenih zakonskih odredbi i odredbi članova 53, 58. i 59. KZBiH, izrekao **uvjetnu osudu**, kojom je utvrđena kazna zatvora u trajanju od deset (10) mjeseci i istovremeno određeno da se ova kazna neće izvršiti, ako optuženi u roku od dvije (2) godine od dana pravomoćnosti presude ne počini novo krivično djelo.

- U predmetu **Siniša Plakalović i dr. (S1 2 K 041067 21 Krn)** Sud je 19.9.2022. donio rješenje kojim je usvojen saglasni prijedlog Tužilaštva Bosne i Hercegovine, sadržan u izjašnjenju od 25.7.2022. godine i branioca osumnjičenog Siniše Plakalovića, na način da su osumnjičenima **Siniši Plakaloviću i Miroslavu Maksimoviću**, ukinute mjere zabrane određene rješenjem Suda BiH od 5.1.2022., i to zabrana putovanja iz člana 126. stav 2. ZKPBiH i zabrana sastajanja s određenim osobama iz člana 126.a stav 1. tačka c) ZKPBiH.

PREDMET	SUDIJA/VIJEĆE	ROČIŠTE
Odjel I <b>Radovan Veljović</b> S1 1 K 041154 21 Kri	<i>Šaban Maksumić</i> <i>Staniša Gluhajić</i> <i>Vesna Jesenković</i>	Iznošenje završnih riječi Tužilaštva BiH i pravnog zastupnika oštećene
Odjel II <b>Elvis Salčinović i dr.</b> S1 2 K 028556 18 K	<i>Izo Tankić</i> <i>Biljana Ćuković</i> <i>Stanko Blagić</i>	Saslušanje svjedoka po prijedlogu odbrane prvooptuženog i ulaganje materijalnih dokaza
Odjel I <b>Jure Kordić i dr.</b> S1 1 K 027427 18 Kri	<i>Enida Hadžiomerović</i> <i>Jasmina Ćosić Dedović</i> <i>Darko Samardžić</i>	Iznošenje završnih riječi odbrana
Odjel II <b>Abdulah Međić i dr.</b> S1 2 K 043121 22 K	<i>Branko Perić</i>	Izricanje prvostepene presude
Odjel II <b>Adnan Salčin i dr.</b> S1 2 K 040374 22 K	<i>Izo Tankić</i>	Početak glavnog pretresa
Odjel II <b>Ivica Matković</b> S1 2 K 005512 11 K	<i>Tatjana Kosović</i>	Statusna konferencija

<p style="text-align: center;"><b>Odjel II</b> <b>Novo Stanić</b> <b>S1 2 K 041547 22 K</b></p>	<p style="text-align: center;"><i>Nenad Šeleta</i></p>	<p style="text-align: center;">Statusna konferencija</p>
<p style="text-align: center;"><b>Odjel III</b> <b>Miroslav Ilić</b> <b>S1 3 K 042360 22 Mpom</b></p>	<p style="text-align: center;"><i>Biljana Ćuković</i></p>	<p style="text-align: center;">Ročište povodom preuzimanja izvršenja strane sudske odluke i transfera osuđenog</p>

**UTORAK, 20. septembra 2022. godine**

- Sud Bosne i Hercegovine je **20.9.2022.** u predmetu **Goran Milošević i drugi (S1 2 K 041390 21 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom su optuženi oglašeni krivim da su radnjama opisanim u izreci presude počinili sljedeća krivična djela:
  - **Goran Milošević, Svetozar Kašiković i Vladislav Pravica** – udruživanje radi činjenja krivičnih djela iz člana 249. stav 2. KZBiH, primanje poklona i drugih oblika koristi iz člana 217. stav 1. KZBiH, krijumčarenje iz člana 214. stav 1. KZBiH i nedozvoljen promet akciznih proizvoda iz člana 210.a stav 1. KZBiH u vezi sa članom 31. KZBiH, a sve u vezi sa članom 53. KZBiH;
  - **Milorad Rogač** – udruživanje radi činjenja krivičnih djela iz člana 249. stav 2. KZBiH, davanje poklona i drugih oblika koristi iz člana 218. stav 1. KZBiH, krijumčarenje iz člana 214. stav 1. KZBiH i nedozvoljen promet akciznih proizvoda iz člana 210.a stav 1. KZBiH u vezi sa članom 31. i 26. KZBiH, a sve u vezi sa članom 53. KZBiH;
  - **Darko Đurica** – udruživanje radi činjenja krivičnih djela iz člana 249. stav 2. KZBiH, davanje poklona i drugih oblika koristi iz člana 218. stav 1. KZBiH, krijumčarenje iz člana 214. stav 1. KZBiH i nedozvoljen promet akciznih proizvoda iz člana 210.a stav 1. KZBiH u vezi sa članom 26. KZBiH, a sve u vezi sa članom 53. KZBiH;
  - **Zoran Rogač** – udruživanje radi činjenja krivičnih djela iz člana 249. stav 2. KZBiH, krijumčarenje iz člana 214. stav 1. KZBiH i nedozvoljen promet akciznih proizvoda iz člana 210.a stav 1. KZBiH u vezi sa članom 31. i 26. KZBiH, a sve u vezi sa članom 53. KZBiH;
  - **Goran Svorcan i Aleksandar Milinić** – udruživanje radi činjenja krivičnih djela iz člana 249. stav 2. KZBiH, krijumčarenje iz člana 214. stav 1. KZBiH i nedozvoljen promet akciznih proizvoda iz člana 210.a stav 1. KZBiH u vezi sa članom 26. KZBiH, a sve u vezi sa članom 53. KZBiH.

Sud je optuženom **Goranu Miloševiću** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH novčanu kaznu u iznosu od 5.000,00 KM;

- za krivično djelo primanje poklona i drugih oblika koristi iz člana 217. stav 1. KZBiH kaznu zatvora u trajanju od deset (10) mjeseci;
- za krivično djelo krijumčarenje iz člana 214. stav 1. KZBiH novčanu kaznu u iznosu od 3.000,00 KM;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od četiri (4) mjeseca.

Primjenom odredbi člana 53. stav 3. Krivičnog zakona Bosne i Hercegovine Sud je optuženom **Goranu Miloševiću** izrekao **jedinstvenu kaznu zatvora u trajanju od jedne (1) godine i jedinstvenu novčanu kaznu u iznosu od 6.000,00 KM (šest hiljada konvertibilnih maraka)**. Na osnovu člana 56. KZBiH, optuženom **Goranu Miloševiću** se u izrečenu jedinstvenu kaznu zatvora uračunava vrijeme koje je proveo u pritvoru u periodu od 10.4.2021. do 5.5.2021. godine.

Sud je optuženom **Svetozaru Kašikoviću** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH novčanu kaznu u iznosu od 4.000,00 KM;
- za krivično djelo primanje poklona i drugih oblika koristi iz člana 217. stav 1. KZBiH kaznu zatvora u trajanju od deset (10) mjeseci;
- za krivično djelo krijumčarenje iz člana 214. stav 1. KZBiH novčanu kaznu u iznosu od 3.000,00 KM;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od četiri (4) mjeseca.

Primjenom odredbi člana 53. stav 2. tačka b) i e) Krivičnog zakona BiH i odredbi člana 58. i 59. Krivičnog zakona BiH Sud je optuženom **Svetozaru Kašikoviću** izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **tri (3) godine** od dana pravomoćnosti ove presude ne počini novo krivično djelo i jedinstvenu novčanu kaznu u iznosu od **5.000,00 KM**. Na osnovu člana 56. KZBiH, optuženom **Svetozaru Kašikoviću** se u utvrđenu kaznu zatvora uračunava vrijeme koje je proveo u pritvoru u periodu od 10.4.2021. do 5.5.2021. godine.

Sud je optuženom **Vladislavu Pravici** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH novčanu kaznu u iznosu od 3.000,00 KM;
- za krivično djelo primanje poklona i drugih oblika koristi iz člana 217. stav 1. KZBiH kaznu zatvora u trajanju od deset (10) mjeseci;
- za krivično djelo krijumčarenje iz člana 214. stav 1. KZBiH novčanu kaznu u iznosu od 3.000,00 KM;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od četiri (4) mjeseca.

Sud je optuženom **Vladislavu Pravici**, primjenom odredbi člana 53. stav 2. tačka b) i e) Krivičnog zakona BiH i odredbi člana 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **tri (3) godine** od dana pravomoćnosti presude ne počini novo krivično djelo i jedinstvenu novčanu kaznu u iznosu od **4.000,00 KM**.

Sud je optuženom **Miloradu Rogaču** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH novčanu kaznu u iznosu od 2.000,00 KM;
- za krivično djelo davanje poklona i drugih oblika koristi iz člana 218. stav 1. KZBiH kaznu zatvora u trajanju od deset (10) mjeseci;
- za krivično djelo krijumčarenje iz člana 214. stav 1. KZBiH novčanu kaznu u iznosu od 2.000,00 KM;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od četiri (4) mjeseca.

Sud je optuženom **Miloradu Rogaču**, primjenom odredbi članova 53. stav 2. tačka b) i e) Krivičnog zakona BiH, 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **tri (3) godine** od dana pravomoćnosti presude ne počini novo krivično djelo i jedinstvenu novčanu kaznu u iznosu od **3.000,00 KM**.

Sud je optuženom **Darki Đurici** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH novčanu kaznu u iznosu od 2.000,00 KM;
- za krivično djelo davanje poklona i drugih oblika koristi iz člana 218. stav 1. KZBiH kaznu zatvora u trajanju od deset (10) mjeseci;
- za krivično djelo krijumčarenje iz člana 214. stav 1. KZBiH novčanu kaznu u iznosu od 2.000,00 KM;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od četiri (4) mjeseca.

Sud je optuženom **Darki Đurici**, primjenom odredbi članova 53. stav 2. tačka b) i e) Krivičnog zakona BiH, 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **tri (3) godine** od dana pravomoćnosti presude ne počini novo krivično djelo i jedinstvenu novčanu kaznu u iznosu od **3.000,00 KM**.

Sud je optuženom **Zoranu Rogaču** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH kaznu zatvora u trajanju od četiri (4) mjeseca;
- za krivično djelo krijumčarenje iz člana 214. stav 1. KZBiH kaznu zatvora u trajanju od četiri (4) mjeseca;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od šest (6) mjeseci.

Sud je optuženom **Zoranu Rogaču**, primjenom odredbi članova 53. stav 2. tačka b) Krivičnog zakona BiH, 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od dvije (2) godine od dana pravomoćnosti presude ne počini novo krivično djelo. Na osnovu člana 41. stav 2. i 46. stav 3. KZBiH, Sud je optuženom, kao sporednu, izrekao **novčanu kaznu u iznosu od 2.000,00 KM.**

Sud je optuženom **Goranu Svorcanu** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH kaznu zatvora u trajanju od četiri (4) mjeseca;
- za krivično djelo krijumčarenje iz člana 214. stav 1. KZBiH kaznu zatvora u trajanju od četiri (4) mjeseca;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od šest (6) mjeseci.

Sud je optuženom **Goranu Svorcanu**, primjenom odredbi članova 53. stav 2. tačka b) Krivičnog zakona BiH, 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **dvije (2) godine** od dana pravomoćnosti ove presude ne počini novo krivično djelo. Na osnovu članova 41. stav 2. i 46. stav 3. KZBiH, Sud je optuženom, kao sporednu, izrekao **novčanu kaznu u iznosu od 3.000,00 KM.**

Sud je optuženom **Aleksandru Miliniću** utvrdio sljedeće kazne:

- za krivično djelo udruživanje radi činjenja krivičnih djela iz člana 249. stav 2. KZBiH kaznu zatvora u trajanju od četiri (4) mjeseca;
- za krivično djelo krijumčarenje iz člana 214. stav 1. KZBiH kaznu zatvora u trajanju od četiri (4) mjeseca;
- za krivično djelo nedozvoljen promet akciznih proizvoda iz člana 210.a stav 1. KZBiH kaznu zatvora u trajanju od šest (6) mjeseci.

Sud je optuženom **Aleksandru Miliniću**, primjenom odredbi članova 53. stav 2. tačka b) Krivičnog zakona BiH, 58. i 59. KZBiH, izrekao **uvjetnu osudu**, kojom je optuženom za počinjena krivična djela utvrđena jedinstvena kazna zatvora u trajanju od **jedne (1) godine** i istovremeno određeno da se ova kazna neće izvršiti ako optuženi u roku od **dvije (2) godine** od dana pravomoćnosti presude

ne počini novo krivično djelo. Na osnovu člana 41. stav 2. i 46. stav 3. KZBiH, Sud je optuženom, kao sporednu, izrekao **novčanu kaznu u iznosu od 1.000,00 KM.**

- Sud BiH je **20.9.2022.** u predmetu **Nakiba Peštalić (S1 2 K 035052 22 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optužena **Nakiba Peštalić** oglašena krivom za počinjenje krivičnog djela porezna utaja ili prevara iz člana 210. stav 3. u vezi sa stavom 1. KZBIH. Sud je optuženoj izrekao **uvjetnu osudu**, kojom je optuženoj utvrđena kazna zatvora u trajanju od **jedne (1) godine** i istovremeno određeno da se ista neće izvršiti ako optužena u roku od **tri (3) godine** od pravomoćnosti presude ne počini novo krivično djelo. Na osnovu članova 41. stav 2. i 46. KZBiH, Sud je optuženoj, kao sporednu, izrekao **novčanu kaznu u iznosu od 5.000,00 KM.**

PREDMET	SUDIJA/VIJEĆE	ROČIŠTE
Odjel I Borislav Paravac i dr. S1 1 K 020503 16 Kri	<i>Davorin Jukić</i> <i>Darko Samardžić</i> <i>Minka Kreho</i>	Saslušanje dva svjedoka Tužilaštva BiH
Odjel II Admir Rizvanović i dr. S1 1 K 019412 20 Kri	<i>Jasmina Ćosić Dedović</i> <i>Dalida Burzić</i> <i>Darko Samardžić</i>	Statusna konferencija
Odjel II Goran Milošević i dr. S1 2 K 041390 21 K	<i>Stanko Blagić</i>	Razmatranje sporazuma o priznanju krivnje
Odjel II Dušan Ristivojević S1 2 K 034405 20 K	<i>Stanko Blagić</i> <i>Biljana Ćuković</i> <i>Izo Tankić</i>	Ročište odloženo zbog neispunjenja procesnih pretpostavki
Odjel II Nakiba Peštalić S1 2 K 035052 22 K	<i>Stanko Blagić</i>	Razmatranje sporazuma o priznanju krivnje i objava presude
Odjel I Rade Macura S1 1 K 040503 21 Kri	<i>Željka Marenić</i> <i>Minka Kreho</i> <i>Enida Hadžiomerović</i>	Saslušanje dva svjedoka Tužilaštva BiH

**SRIJEDA, 21. septembra 2022. godine**

- Sud je 21.9.2022. u predmetu **Andrija Bjelošević (S1 1 K 042858 22 Kri)** donio rješenje kojim je odbijen kao neosnovan prijedlog Tužilaštva BiH za određivanje pritvora optuženom **Andriji Bjeloševiću** od 14.9.2022. godine i istovremeno, u

smislu člana 126.b. stav 2. ZKPBiH, prema optuženom određene mjere zabrane, i to: mjera zabrane napuštanja mjesta boravišta na osnovu člana 126. stav 1. u vezi sa članom 126.c. stav 1. ZKPBiH, mjera zabrane sastajanja s određenim osobama na osnovu člana 126.a stav 1. tačka c) ZKPBiH, te utvrđeno da i dalje postoje okolnosti koje ukazuju na opravdanost trajanja mjere zabrane putovanja van BiH iz člana 126. stav 2. ZKPBiH.

- Sud je 21.9.2022. donio rješenje kojim je osumnjičenima **Vasiliju Stjepiću, Mitar Blagojević, Miroslava Čalije, Dražena Šinikovića** produžen pritvor za naredna dva (2) mjeseca, zbog postojanja kako općeg razloga tako i posebnih pritvorskih razloga propisanih članom 132. stav 1. tačke a), b) i c) ZKPBiH, tako da isti može trajati do 22.11.2022. godine u odnosu na osumnjičenog **Vasilija Stjepića**, a u odnosu na osumnjičene **Mitra Blagojevića, Miroslava Čaliju i Dražena Šinikovića** do 23.11.2022. godine ili do nove odluke Suda.

PREDMET	SUDIJA/VIJEĆE	ROČIŠTE
Odjel I Milenko Živanović S1 1 K 041813 21 Kro	Željka Marenčić	Ročište odloženo zbog neispunjenja procesnih pretpostavki
Odjel I Jovan Šatara i dr. S1 1 K 039398 21 Kri	Braco Stupar Tatjana Kosović Davorin Jukić	Saslušanje svjedoka optužbe
Odjel II Veljko Ugrenović i dr. S1 2 K 041757 21 Krn	Zoran Božić	Ročište za produženje pritvora osumnjičenim Daliboru Railiću, Aleksandru Miljatoviću i Igoru Repajiću
Odjel I Ranko Draškić i dr. S1 1 K 041856 22 Kri	Šaban Maksumić Vesna Jesenković Staniša Gluhajić	Saslušanje dva svjedoka Tužilaštva BiH i ulaganje materijalnih dokaza Tužilaštva BiH
Odjel I Andrija Bjelošević S1 1 K 042858 22 Kri	Šaban Maksumić Staniša Gluhajić Vesna Jesenković	Ročište povodom prijedloga Tužilaštva BiH za određivanje pritvora
Odjel II Milan Matković i dr. S1 2 K 043281 22 Krn	Darko Samardžić	Ročište povodom prijedloga Tužilaštva BiH za produženje pritvora prema osumnjičenim Vasiliju Stjepiću i dr.
Odjel II Armin Isović i dr. S1 2 K 033242 22 K	Branko Perić	Početak glavnog pretresa

<b>Odjel III</b> <b>Bojan Zec Filipović</b> <b>S1 3 K 036849 22 Kž</b>	<i>Hilmo Vučinić</i> <i>Mirza Jusufović</i> <i>Redžib Begić</i>	Sjednica vijeća Apelacionog odjeljenja povodom priznanja i izvršenja strane sudske odluke
--	---	---

**ČETVRTAK, 22. septembra 2022. godine**

- Sud BiH je 22.9.2022. u predmetu **Armin Arnautović i drugi** prihvatio prijedlog Tužilaštva Bosne i Hercegovine od 21.9.2022. godine i donio rješenje kojim je osumnjičenom **Admiru Arnautoviću** određen pritvor, koji po ovom rješenju može trajati najduže mjesec dana računajući od dana lišenja slobode, odnosno do 20.10.2022. godine ili do nove odluke Suda. Pritvor je određen zbog postojanja kako općeg razloga tako i posebnih pritvorskih razloga propisanih članom 132. stav 1. tačke a) b) i c) ZKPBiH.
- Sud Bosne i Hercegovine je 22.9.2022. godine u predmetu **Fahrudin Gačanović (S1 2 K 043939 22 Krn)** prihvatio prijedlog Tužilaštva Bosne i Hercegovine od 21.9.2022. godine i donio rješenje kojim je osumnjičenom **Fahrudinu Gačanoviću** određen pritvor, koji po ovom rješenju može trajati najduže mjesec dana računajući od dana lišenja slobode, odnosno do 19.10.2022. ili do nove odluke Suda. Pritvor je određen zbog postojanja kako općeg razloga tako i posebnih pritvorskih razloga propisanih članom 132. stav 1. tačke b) i c) ZKPBiH.
- Na ročištu održanom 23.9.2022. u predmetu Adna Skenderović (S1 3 K 043218 22 Kps) optužena Adna Skenderović izjasnila se da nije kriva za krivično djelo koje joj se potvrđenom optužnicom Tužilaštva BiH stavlja na teret – krijumčarenje ljudi iz člana 189. stav 1. KZBiH u vezi sa članom 26. Krivičnog zakona Bosne i Hercegovine.

PREDMET	SUDIJA/VIJEĆE	ROČIŠTE
<b>Odjel I</b> <b>Pero Radić i dr.</b> <b>S1 1 K 034308 20 Kri</b>	<i>Minka Kreho</i> <i>Željka Marenić</i> <i>Tatjana Kosović</i>	Saslušanje svjedoka Tužilaštva BiH
<b>Odjel I</b> <b>Boban Indić</b> <b>S1 1 K 041550 21 Kri</b>	<i>Vesna Jesenković</i> <i>Šaban Maksumić</i> <i>Staniša Gluhajić</i>	Statusna konferencija

<b>Odjel II</b> <b>Admir Arnautović i dr.</b> <b>S1 2 K 043936 22 Krn</b>	<i>Hasija Mašović</i>	Ročište povodom prijedloga Tužilaštva BiH za određivanje pritvora osumnjičenom Admiru Arnautoviću
<b>Odjel II</b> <b>Fahrudin Gačanović</b> <b>S1 2 K 043939 22 Krn</b>	<i>Goran Radević</i>	Ročište povodom prijedloga Tužilaštva BiH za određivanje pritvora osumnjičenom Fahrudinu Gačanoviću

**PETAK, 23. septembra 2022. godine**

<b>PREDMET</b>	<b>SUDIJA/VIJEĆE</b>	<b>ROČIŠTE</b>
<b>Odjel I</b> <b>Miladin Trifunović</b> <b>S1 1 K 031562 19 Kri</b>	<i>Braco Stupar</i> <i>Davorin Jukić</i> <i>Tatjana Kosović</i>	Saslušanje dva svjedoka odbrane
<b>Odjel I</b> <b>Mehmed Alešević</b> <b>S1 1 K 021274 22 Krž</b>	<i>Azra Miletić</i> <i>Mirza Jusufović</i> <i>Željka Marenčić</i>	Sjednica vijeća Apelacionog odjeljenja
<b>Odjel I</b> <b>Almir Kadrić</b> <b>S1 2 K 039305 22 K</b>	<i>Hasija Mašović</i>	Ročište za razmatranje sporazuma o priznanju krivnje
<b>Odjel I</b> <b>Boško Unčanin i dr.</b> <b>S1 1 K 042984 22 Kri</b>	<i>Minka Kreho</i> <i>Željka Marenčić</i> <i>Tanja Curović</i>	Saslušanje svjedoka Tužilaštva BiH
<b>Odjel I</b> <b>N.N.</b> <b>S1 1 K 034243 22 Mpom</b>	<i>Mira Smajlović</i>	Pružanje međunarodne pravne pomoći saslušanjem dva svjedoka optužbe videolinkom
<b>Odjel III</b> <b>Adna Skenderović</b> <b>S1 3 K 043218 22 Kps</b>	<i>Enida Hadžiomerović</i>	Ročište za izjašnjenje o krivnji
<b>Odjel III</b> <b>Arijan Gušić</b> <b>S1 3 K 043794 22 Kps</b>	<i>Enida Hadžiomerović</i>	Ročište za razmatranje sporazuma o priznanju krivnje

## NAJAVE ZA NAREDNU SEDMICU

### Za ponedjeljak, 26. septembra 2022.

- **Adnan Salčin i dr. (S1 2 K 040374 22 K)** – početak glavnog pretresa u 13:00 sati, sudnica 5.
- **Arnel Vejo (S1 3 K 043637 22 Kp)** – ročište za razmatranje sporazuma o priznanju krivnje u 13:00 sati, sudnica 7.
- **Edis Muminović (S1 3 K 043324 22 Mpom)** – ročište povodom zamolnice Ministarstva pravosuđa i uprave Republike Hrvatske za preuzimanje izvršenja kazne zatvora osuđenog.

### Za utorak, 27. septembra 2022.

- **Miroslav Vrljičak i dr. (S1 2 K 010164 20 K)** – iznošenje završnih riječi Tužilaštva BiH u 13:00 sati, sudnica 7.
- **Đorđe Ristanić (S1 1 K 019836 15 Kri)** – izricanje presude u 09:30 sati, sudnica 5.

### Za srijedu, 28. septembra 2022.

- **Jadranka Vuković (S1 2 K 040782 22 K)** – početak glavnog pretresa u 13:00 sati, sudnica 5.

### Za četvrtak, 29. septembra 2022.

- **Petar Mitrović (S1 2 K 043211 22 K)** – početak glavnog pretresa u 13:00 sati, sudnica 3.
- **Tomislav Petrović (S1 2 K 043868 22 K)** – ročište za razmatranje sporazuma o priznanju krivnje u 10:00 sati, sudnica 3.

### Za petak, 30. septembra 2022.

- **Ratko Đurković (S1 1 K 036818 21 Kri)** – iznošenje završnih riječi odbrane u 09:00 sati, sudnica 8.

## STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	8	13
Organizirani kriminal	1	1
Opći kriminal	0	0

Broj održanih ročišta u sudnicama 1-9	33
Broj zahtjeva za izdavanje AV materijala (Odjeljenje za informiranje javnosti)	0

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: [PIOS@sudbih.gov.ba](mailto:PIOS@sudbih.gov.ba), [www.sudbih.gov.ba](http://www.sudbih.gov.ba)